

He Aratūtahi

Ka taea e te kaiuru te pīkau i ngā taumata katoa o te Tohu Hillary - Rauwhero, Hiriwa, Kōura - ki te Ao Māori ināianei. Ko ngā mātāpono o te whanaungatanga, te kotahitanga me ngā herenga o te ao tūroa ki ngā mea e kore e ora ana te tūāpapa o te kaupapa.

He ōrite tonu ngā paerewa ngohe, ko te rerekētanga me whakatinana te kaiuru i ngā mātāpono o te Ao Māori pēnei i te Mātauranga Māori me te Tikanga Māori ki ngā mahi me ngā wāhanga katoa (hāunga te wāhanga Hākinakina).



Ratonga Tūao - Ngā Mahi Rato Me whai wāhi atu Te Ao Māori ki ngā Mahi Tūao, ā, me whakatinana ngā kaiuru i te kaitiakitanga me te whanaungatanga, hei tauira: Mā te whakaako i te Mau Rākau, te Kī-o-rahi, te Pūrākau, te Tautohetohe, te kaitiakitanga, te tū hei kaiako, te whakapau rānei i te kaha ki tō Marae, ki tō kura, ki ngā hui tūao, ki te āwhina i te rōpū tiaki taiao pēnei i te Kaitiaki.



Ngā Pūkenga - Whanakehia Ō Pūmanawa Me whai wāhi atu Te Ao Māori ki ngā pūkenga hei whanake, hei tauira: te Kapa Haka, te ako i tō Whakapapa, i ngā āhuetanga o te Taiao, te Māra Huawhenua, te Tātai Arorangi (tātai whetū), te Whakairo, te Raranga, Te Tiriti, Ngā Waka o Aotearoa, te Rongoā Māori, te Manu Kōrero, te Mirimiri.



Haerenga Mātātoa - Kia Rikarika Kātahi Tūhuratia Ka rite tonu te wāhanga takahi i te ara mātātoa, ahakoa he hīkoi, he kaupapa tūhura rānei. Ko ngā haerenga mātātoa he takahi haere i ngā whenua o te iwi, he whaiwhai i ngā tapuwae o ngā tūpuna, he whakaterere waka pea, he tūhura i ngā āhuetanga o te tiaki taiao hoki.



Ngā Hākinakina - He Whakaheke Werawera he ōrite tonu ngā āhuetanga - he aropū ki te whakapiki i te hauora o te tangata - oranga tinana, oranga hinengaro hoki, hei tauira. te eke paihikara, te pūkura, te waka ama, te kirikiti, ngā hākinakina ki rō whare hākinakina.



Kaupapa Kāinga - Kia Waewae Kai Kapua E tika ana *kia aro atu tēnei wāhanga ki te Ao Māori mēnā e taea ana*, hei tauira: te pīkau i te kaupapa tiaki taiao, te whakapau kaha ki te Marae, te tautohu i ngā wāhi whakahirahira o onamata ki Aotearoa nei.

Tirohia ngā kōwhiringa ngohe mō te kaupapa He Aratūtahi ki konei

Kia oti katoa i te kaiuru te Kaupapa, ka whiwhi ia i te tiwhikete ōkawa me te whakairinga kōrero mō tāna takahi i He Aratūtahi. Kia oti katoa i te kaiuru ngā wāhanga o te Tohu Hillary, ka whiwhi ia i te tiwhikete ōkawa me te whakairinga kōrero mō tāna takahi i He Aratūtahi.

Te uru ki He Aratūtahi

I a koe e tuku ana i tō ingoa ki tētahi o ngā ngohe o te Tohu Hillary i te Puka Mauhanga, me whakautu koe i tēnei pātai – He kaupapa o He Aratūtahi tēnei? Me Whakautu ĀE ki te whai wāhi atu ngā wero o Te Ao Māori ki tō ara. Ka riro MĀU e whakarite ngā ngohe Rato Tūao, Ngā Pūkenga, Haerenga Mātātoa (me te Kaupapa Kāinga Kōura mēnā e tika ana) e tutuki ai ngā paerewa mō tēnei ara kaupapa. Tukuna tō ingoa ki KONEI

Manaaki whenua, Manaaki tangata, Koke whakamua